

18. RESEDA MUCRONATA

R. Caule ramoso, muricato; foliis trifidis, vel pinato-quinquefidis, laciniis angustissimis, linearibus, mucronulatis, integerrimis, margine muricato-serrulatis; calycibus sexfidis, segmentis strictis recurvis; capsulis subovatis, glabris, tridentatis.

Crescit in rupibus; Militello Val di Noto alle Beverie.

Floret Vere.

Resedae luteae proxima.

19. RHOTIA TENUIFOLIA

R. Laevissime lanuginosa. Caule basi ramosissimo, erecto, striato; foliis semi-amplexicaulibus, lanceolato-linearibus, inferne latiusculis, subintegerrimis; floribus corymbosis; calycibus pilosis, pilis nigricantibus.

Crescit in arvis prope Panormum; alli Ficarazzi.

Floret Junio ☉

20 SALICORNIA FRUTIGULOSA.

S. Suffruticosa. Caule ramosissimo, decumbente, radicante; ramis erectis, articulis ramulorum subancipitibus, emarginatis, brevissimis; spicis oppositis, subpedunculatis, cylindraceo-ovatis, obtusissimis; squamis floralibus membranaceis, subtetragonis, concavis.

Crescit in inundatis locis maritimis prope Panormum; a Mondello, simul cum S. macrostachya, et herbacea.

Floret Septembri, Octobri ☉

Differt a S. fruticosa praesertim caule decumbente, radicante.